



Minggu, 14 Februari 2021

Ogen: Mazmur 103:8-14



BUAH KEKELENGEN



Sekalak anak tubuh ku doni enda alu kelemahen ibas kerinanana. Ruis pe langa ngasup, man minem pe arus ibere, erdalan ras sidebanna. Adi la lit orangtuana sinatang-natangsa labo ngasup ertahan nggeluh. Orangtua e ngangkipsa suari berngi, mawen lang-lang pertunduhna pe. Erbintuas kai a tep-tep wari nikapken siperlu anak e. Kenca terbelinen arus ka saber ibas natang-natang anak e erlajar erdalan, sanga erdahin e pe cirawis nge anak e bas nahe nande ras bapa. Nggo pe mbelin, tetap nge orang tua jadi ingan tertande, kenca erjabu ras lit ka pe anak pelimiken Dibata, orangtua ndai lalap je guna nampati ras ngkelengi anak ras kempuna. Mulai kin kita tubuh she metua keleng ate nande ras bapa la nggo erleka.

Bageme keleng ate Tuhan man banta. Enggo tandaiNa amin gia bas bertin nande denga pe kita. EtehNa kerina kecibalta, la nggo kita itadingkenNa. Desken sekalak Bapa engkelengi anakNa, kerina sinidahikenNa la lit sideban tujunna eme guna man anakna saja nge, panas ras iluh mambur e kerina ipersembahkan gelah anak e meteh mehuli ras mehuli kegeluhenna. Desken sekalak nande engkelengi anakna, kesahna e pe endeskenna man anak e.

Luar biasa kel adi siukuri keleng ate Tuhan e subuk arah kematen Tuhan Jesus bage pe arah pengorbanen orang tuata. Keleng ate nande sepanjang jaman keleng ate anak sepanjang galah. Megati nge labo terban kita sikap man orang tuata, tapi amin bage gia bas wari kasih sayang enda, marilah situduhkan buah kekelengenna ndube ibas kita alu kita ncidahkan perhatinta. Sikataken bujur sebab nggo kelengina kita, rikut pe isi jabunta. Sebab engkelengi Dibata salah sada dalanna eme engkelengi orang tuanta.

